

平庵悔稿

平菴悔禍後編卷三

括蒼項安世平甫著

五言律詩

寄羅主管四首

四海羅夫子乾坤識此心
貌真南似北人是古居今老
大胸懷苦優游歲月深
諸公用之武莫待二毛侵

把酒東南望關心飲水還三君同別我小友不論年
賣虎風行地王珠月映川
州人亦驚倒此客定能賢

乙未
通新

平菴悔禍後編卷三

安端規端良
端長俱在

可惜經年別都能兩日留別來長似夢書到暫忘憂老
子無公事長安足後遊時時論人物江漢有輕漚

客有甄卿子師行八面奇談禪兼學道愛酒更能詩聞
說今同事長懷舊接辭無人自娛戲多病欠醫治

甄良
文宇

雲卿

紹興送彭世昌歸應鄉舉

客有功名志時平未急才淚臨淮水落眼向越山開且

著萊衣去仍隨桂子來
春明見天子可以議雲臺

晚晴

一雨草木潤新晴
天地明山川未改色
烏雀已散聲客
子喜相語田家憂未平
似聞陂堰折掘开得深坑

徐一之從智子行

有士才如此流光陂若何
筆端風雨快胸次古今多止
止杯中物鳴鳴且後歌
低頭聊小忍唾手即高科

盧似之從道子行

平晝悔稿後編卷三

昔我為行客煩君作好詩今吾仍是主送子得無辭文
賦頌勤作經書莫暫離天資誠美矣師道可無之

鹿鳴燕次韻和權帥湯提刑時二弟皆預鄉薦

使家親勸駕賤子辱同升曉月鵲原聚秋空雁字凌燕
山漸五桂西海繼三鵬況藉吹噓力扶搖正可乘

盧道子赴銓試

高才真幹父新渥繼難兄舟楫維湘岸簪纓覲漢京學
雖上比與科亦要刑名書律三冬足榮華一戰成

李浦道中得家信

李浦江邊路星沉日未生道人送家信借火讀天明上
說兒曹健中言客路晴促歸仍勸緩反覆見慈情

新晴

別岸連朝雨登臺夜半晴殷懃見天意反覆近人情碑
倚巖崖立溪客一葦橫昔吾今屬我我醉不呼鄉
幸甚于蓮甲惝然兩變霜綠衣雲漸近紋線日初長預
想慈懷動先憑喜信將背人三數鵲飛去覺匆忙

次韻叙李提刑往臨先正治所併所聞先正論桃

源事二首

疇昔拜瞻仙桃源問果然洞非人世外花在此心邊寂
寂蒸霞地沉沉浴日天南陽劉子驥獨泛問津船

今日天香去當時畫夢然試拱十歲鼎如見一川田潤
帶仙壇石芳連古柏烟靜中觀篆火依約畫秦阡

送襄陽成統制移建康

日日夢長干真成下碧湍雍郊辭鹿隱鍾阜青龍燭百

勝傳家學三司踐世官誰知弓劍裡曾帶腐儒酸嘗請

佛國市

興國軍道中值虛市方合此俗以卯酉日

趨虛

雨意陰連日秋容淡滿溪水穿平野斷雲截遠山低客

路朝昏畏村墟郊百寮傳聞近湖北漸喜脫江西時江

寇方熾興國亦擾動

次韻蘇主管憶莊器之賢良

媚秀從牙齒聲名奮角羈人愁萬事早誰料一官遲憲
也雖非病桑乎可使饑有窮難手援無夢嘆吾哀

遊羅漢至開先寺

半世懷吾願今年得此辰朝廷用和議疆場有間人地
瀆雙龍沐雲藏五老身天寒林影薄斜日照衣巾

宿東林寺

借宅星江上山南已遍尋猶餘溫浦路未快白公心屬
國陳三表歸帆拂二林遠師堂上酒可以恣狂吟

送葉吉甫往建康

同是匡廬客匡廬又送君衣袍霜後薄戈甲夜深聞目

銜甌溪月心搖楚岫雲東西各有慕魂夢亦相分
脚底東林路船頭下白溝所之仍作客何日定歸休眉
為鄉人感心將世事謀書生千古病至竟欲誰瘳

寄題鄭氏墳亭

亭名裴回用白雲冰飛事

不識亭前路應知孝子情未甘黃壤隔猶共白雲橫好
在當時意端從苦處生願言珍體髮聖學待深評

治裝將歸

又作瞿唐去長為道路行難名暗可數風浪飽曾文僮

僕襪移慣衣裘結束經別多難得淚不是總無情

了頭巖

三十年前過吾方似此山山容今尚非吾髮久成斑羞
把娉婷嫁長垂矮墮鬢黃塵烏帽底媿汝若為顏

遣悶

夜與影同宿晝將書共談虛涼惟稱暑陰濕恐生嵐眼
有思家淚心懷報國慙更須辭命緩身已往僧庵

送江陵劉縣丞得多字

並容字公度近詩云四海
良朋能幾多故以為韻

一語動愁思良朋能幾多
相持看鬢髮容易隔山河
舊學分疑信新功廢琢磨
因君戒行李令我悟蹉跎
吾事方如此諸儒說更多
高明戒己竟廣大日無何意
遠身仍近人同己易訛且
當行故步未敢赴殊科

送查仲文三首

靜甘明主棄出為故人書
鄴下劉公幹山中陶隱居
百
年通醉醒萬事付乘除
只有詩魔在時能掣巨魚
先生江海士使者水曹郎
開絹印三道懷人天一方
上

江春水急穿峽晚雲長詩酒勤陶寫中年庸易傷
世味無無著詩情自不間撩入五字句為客萬重山戒
已移文就公能盡興還歸來宋玉宅作賦動江關

送孫監酒

我已寒如水君方冷似灰有才誰肯惜無力可相推
蒸水聞奇甚糟上亦肯哉皇華重同姓第一望歸來

贈葉少敏

故國三千里五行信偶然丈夫天下志兒女客中憐
荆

鄂十守歲衡潭三拜年新正納殊祐從此不孤眠時葉已定

贈周季隱義山樞密同聖之子

鐵面蒼髯士金魚玉帶家園林間富貴花竹老生涯世上名何用尊中酒幸嘉向來張長史佳句足堪誇張安國舍人嘗為作詩

次韻王少清兄贈

王謝風流在十年故不磨子孫奇俊甚生長見聞多容

易三千首鏗錫十二和故家文物盛寒士得同科

送鄧制幹二首

去國逢人避書門
斷客傳聞知西嶺
雪忙上右襟
船未了青燈話
仍衝白鳥烟
江湖逢倚相
將夢寄渠邊

賦頌前朝愛詩文
內相傳九家
潘岳鬢萬里
米家船灩澦冬無雪
蓬婆晝不烟
木頭臺間上
迢迢佐三邊

送嚴童子

鳳歷開新統
鵷鵠降異姿
入朝承重渥
還舍拜名師
楊

晏賢模範

楊文公晏
定獻公

韓陳有訓辭

韓文公
陳後山

後生顏靜實

切莫事奔馳

次韻自詠

生意斷無幾死灰難復然世方尊臘臘吾亦夢見邊江
水青無地崑雲白似天短蓑將髣髴聽唱謝郎船
雜劇只如此古人誰不然渭南尋竹塢杜曲買桑田石
裂山銜羽松明火帶烟夜深隨射虎歸路恐迷阡

次韻贈劉正將

讀子風林集懷吾里整時道途今老大人
事幾推移官省知名久君王識回遲柳
亭寨氣入誰賞玉臺詩

送李憲權江陵帥更輓轡格

表餌計已決艱難人盡非猶煩使者
斧袵載帥臣旂萬事本無事一移無
不移因事漢三府烏盡未為遲

方橋曉憇

歸路方橋晚年年此月情不知臨老
去更得幾番行浩蕩東風闕微茫遠
水橫每來心自愛未要世人驚

還憇方橋

拂拂輕黃小茸茸嫩綠爲柳條君莫折草色我思眠
髮從衰病人情自少年欄干一臨眺春意滿坤乾

清涼亭

楚甸延詩眼臺城壯酒杯山連京口去江自錦官來
百榼洗難下千篇勇莫裁非君湖海氣誰禁此崔嵬

新婦石

誰家醜新婦臨水久徘徊月印修眉無風傳古曲
寒晚

妝無粉黛春服有梅苔應恨周居士逃秦更不回

贈查仲文

蕪海陵人居江陵時張監丞有書欲薦之於朝

諸老更推挽先生定別留孰知廬阜趣戰勝漢廷游何

使來問買田廬阜之期直自金高隱寧當棹急流典刑前輩在餘

潤寬東主

丹陽感舊

東來復西去劫數十三年三過丹陽縣俱乘萬里船半
生行役裡兩鬢客愁邊屬玉滄浪上清標倍炯然

次韻鄭檢法與張秘書論命

淵字叔潛福州人

曹劉元易識甘石況經云五物時為帝三辰歲有君平
生信嚴子今日得揚雲兩手分忠孝往承華與勳

張以君平

詩自

寒食有懷楚都

北土重寒食東風吹故都不知清野後還有踏青無
菽笋烹魚羹萋萋萬裏飲腴異鄉悲節物歸夢逆檣烏

對月

少日曾相識重來有故情
殷勤前度月依舊向人明
擾擾魂生死區區輪滿盈
何如長半掩萬古不西傾

夜雨

夜帳不知雨晚街初見泥
青方歸柳市紅未到桃蹊
遠水牽歸纜荒岡入杖藜
招呼舊僮僕歡喜共鋤犁

春暄

春來能幾日歲裏未開年
物色已如此風光何習然
半醒行似醉微困坐成眠
欲寫融融意都無可白傳

二十八日行香即事

曉市衆果集枇杷盛滿箱梅施一點赤杏染十分黃青
李不待暑木衣寧論霜年華緣底事亦趨販夫忙

柳岸濛濛濕溝坡點點跳牀槽斜溜湧轎頂碎聲飄村
檐果爭市山梔花滿橋愁聽新使客壩里說蕭條

見沈
潛言

外間想
悴之甚

偶吟

近市心如水居貧道未窮
閑門度梅雨歌枕受槐風
問

學十年事文章百世公讀多書有味吟少句無工

鄭檢法重九病起送酒索詩

聞道臺參早交親喜可知猶能白永酒相勸菊花時帶
刺如干眼梳添幾寸絲風騷足材料何必項斯詩

張澧州祝詩會

持橐中朝青衿擅異域留人皆敬先德

父靖康出使
死于虜中我

已識君侯氣節傳三世才猷著兩州承家五男子身後
更何求

坦然無一物

澧州自贊語

此意極寥寥生死東西魄盈虛早

晚潮何人清夜省舉世萬波搖試把斯文誦英魂或可招

任安撫挽詩

詔上蔡人號盤國

已矣天難問宸哉道竟孤風流前輩似膽畧世人無緩急謨謀見尋常尺寸拘明時非不用志士自多迂

新息任夫子東坡所父師只餘盤筭在猶及故家時間撫伊吾劍吟成綠野詩中原遺老盡舊事有誰知

挽陸運使詩 同和州人

爰自微官日能令巨力摧青藜回使節紅粟抗公台淮
右恩波濶畿西禁綱恢平生希麴令今得吏民哀 望江有麴
令祠公素慕之

八秩公何憾淋浪我自悲向來淮士裏最得阜陵知故
國人誰識長身帝所思竟隨龍馭去應赴白雲期 阜陵六月
上仙公九月卒

尤尚書挽詩 表

令歲何遽次乾坤失巨人老生啼壞木後學嘆迷津四
海人才譜三朝禮樂臣併將文獻去誰與覺斯民
舊學淵衷記新阡玉色疑上不信其死似聞形嘆慨未忍失
容儀海道空齋志西州尺貯悲平生謝公願後世子雲
知

武學蔡博士挽詩

錫字慶遠武舉

人憐蔡慶遠慶遠自悲哉雖欠壽將位非無時與才諸
生尊誼聚明主識竒瑰獨把平生去何曾一語哀

天子昔好武儒臣皆諱文誰能有勝具不肯建奇勲半
世觀行己十年勸事君底須登大奎金印角前聞

司馬歸州挽詩

王立氣如春魁然長者人三朝陳素業

孝宗光宗今上即位皆進文正

公六言五規

兩郡駕朱輪國幹須名族吾裏倚大姻那知沙

步酒一別遂終身

旣佐祔歸山長身困遠官舊祖無折變新路有平寬報
以孫將子森然王與蘭自隨梅福去雲外跨飛鸞

莫於梅仙

里

處州葉德共挽詩 宣鄉之叔祖

屬厭多年所歸來近月評望之重十舍已矣又平生無
復論鄉曲猶能接舅甥短章隨嗜管淒斷不成聲

儒服能軍事人心以富行邑中無惡少堂上有佳名死
得安仁談生經短簿評哀榮如此有何必漢公卿 君以
名仁壽堂項主簿世高為之
記今行狀番縣尉和叔之文也

李萬州挽詩 唐年

仙李來南日熙寧去國人一身辭赤帝四世上朱輪之公

曾祖熙寧御史
爭新法去國

桑梓推前輩蔭茅接世姻傷心挽耆舊

不獨為情親

令子來遺事而翁亦大奇治安真有策經濟遂無時黃

壤人間恨新文我輩推生傳漢中什死著十哀詩瀘帥張傳

之作漢中行紀公之考王

君行作十哀詩哭公之死

寧輻朝出祖庸綈淚爭揮慕子啼玄草慈親哭綵衣敬

齋書秩秩退國觴菲菲華屋生存處十年遊不歸

公今南面樂戎自涕滂沱十載還鄉社三君逐逝波樂

郊荒水檻

李晉壽
六丈

巢室閉烟蘿

查仲文
五丈

前輩風流盡吾

生奈何

趙婺州挽詩 師龍

雪裏蕭山渡花時楊子城八年如昨日一夢隔平生
剖竹皆雄郡刊碑有頌聲傳家諸子在早晚繼科名

張黎州挽詩 謂

萬里沈黎徼民夷離戎屯金錢寬兩稅水澤潤千門肅

肅穆靜潭潭壁壘尊遠猷嗟未完蕭瑟定安原

代趙丞相作黃尚書挽詩三首

裳

弔閣重來日瀛河僅閱旬一從充保傅五見易冬春作
聖工夫久膺圖歲月新九重深悼處早晚付經綸

譚讀真無敵忠誠素有孚談經兼體用論事極精粗日
已升暘谷天方冒海隅甘盤當保義豈料歲年徂
力小慚形渥心同俟棟隆忠能當世事信可沃宸衷長
往公何遽孤騫我最窮老來難得淚獨為洒西風

黃尚書挽詩二首

憤切身頻病憂多髻早然有功裨聖主無命佐清時論
事明於堂被圖絜若擬哀哉聽絕語猶抱五年悲
嗣聖膺圖日群生望治時忽聞公已病相過事堪疑竟
作堂堂去空書咄咄詞眼中哀淚盡持底送靈輜

馮元素挽詩

襄陽人嘗從戴之邵起義入洛補官
不就復上書壽皇改授文資終善化

縣
正

戎服開清洛儒書謁阜陵一朝官御晚平日壯心冰此

士歸來夜何人說中興秋來原土草蕭索見風稜
出塞千夫散還家一善人閨門春穆穆卿黨晚恂恂字
畫清能謹詩章秀以醇畧無邊瑣氣懷此最傷神

荆南帥姚參政挽詩

憲

壽相背三甲暮齡腰十圍自陪初伏飲竟作百年違楚
澤秋初動洪都夢已非

薨後聞有
洪帥之除

向來千騎擁悽惻片

帆歸

劍履三台亞旌旄十國連春風迎上日秋色送歸船露

泣千山月雲悲萬里天堂堂寧復有玉立照人鮮

撫州吳茂榮挽詩

陸州定婦翁

當年郡博士致此一先生

蘇國正許侍郎為教
官皆屈君為學正

相見茂

榮甫似吾諸葛卿姓名書帝府文行最鄉許終老君何
恨傷時淚自傾

世已尊科舉人多矣老成行書周族黨身欠漢公卿猶
藉千年閨能傳萬壑清愴懷非一士何恨不知名

王君行文挽詩

轅道號牧翁

春末樂叟去

謂樂君啟文

秋初仍收齋無誰問天理有底厭

吾儕簡易逢人樂虛徐觸事諧忽逢孤絕處千文翠高

崖

樂叟干將劍鋒銳凜不收之人獨和厚與世極沉浮淑

氣長三月高懷自九秋洞門元不鎖依舊少從游

房州迎主簿惠戒數行書慟哭王郎死淒涼楚澤虛

張立

之主簿以

少將詩作劇老共易同居比似曹居士

謂曾商鼎

書見唁

規繩更不疎

樂君啟文挽詩大禮

荊州十萬戶惟我獨公知
皓皓曉曉甚涼涼踽踽中平
生尊骨鯁到死諱雷同
此士埋黃壤何人立素風

藝應天王拜名高月旦評
一官娛晚暮千載遇恩榮

禮部初以登極恩得官
未許行疇昔猶應得久生
年來頻見此老

淚不禁頌

高通直槐詩高應朝之父

赤手開荒徑未門
照廣津兩班通印綬

先授三班
檠簪

紳壽考尊鄉曲光華動邑人
戎生當恨晚猶及望靈椿
甲子諸孫衍丁年北夢行
歸來古於越友事晉參卿
應朝今為徽州錄事參軍
旋展升堂拜方瞻賜綬榮
故山耆舊少蕭瑟更佳城

曾著作之父文思判院挽詩

後有兒如許前瞻祖自然
詩書三世驗鄉黨一辭賢
送失升堂願徒供相桓
篇吾哀真久矣祇此亦關天
忍窮能到骨何物可愁翁
手口雙蒼靜抄書萬卷空朝

天尊稟氏勝地說壺公脫屣俱無滯斑衣淺自紅
壺公山名著作新知興化軍

黃寺丞挽詩 灝

識面山陰道論心德化堂後來俱罪籍歸去各吾鄉
晚歲欣同寓平生謂可償來遲三兩月淚落幾多行

白鹿人先去 海廣朱先生 西坡事又非 黃自號西坡 客情何所向

老淚不禁揮日短輶車急山寒冢木腓猶聞辭楚辟來
救越民飢 黃以不受時相入蜀之辟得忽遂坐瀘獨飯民祖還謫

平菴悔稿後編卷三

七

司馬侍郎挽詩 假

公之曾大父昔者老先生日月扶丹床乾坤仗赤誠
詒謀三世重謹始一言清按行狀公陞對引溫公今日書

生淚臨風作雨傾

生身何恨晚猶識孝曾孫姓字驚喬木儀型想九原百

年餘父老雙淚落輶軒

按行狀公使虜還氏此意今誰知公家世親者塞塋

領憑高只斷魂

挽荆南帥張左司詩 拭

宵漢占賢輔乾坤夫大儒斯文斷命脉議者嘆窮途獨
催全名去誰供一世須空餘千載事不盡惜良圖去年朝士
以書抵先生曰史官奏賢輔星出荊州分野上意以屬
公也先生謂安世曰吾有是殆矣自是奏請多為廟堂
沮所

自古誰無死斯人有重輕諸生望模楷吾道倚權衡一
髮千鈞挽中流砥柱傾平生憂國事何意作身名

吾道竟如此蒼生將奈何名聲垂白日身世逐滄波宜
世堂堂去猶勝奄奄過所嗟非一死良願恐蹉跎

昔者登簾閣先生病已瘳從容當世事反復萬端憂力

盡予家活身疲十日留向來天下士端為一城休

前十日見

先生於臥內病良愈論當世事衮衮不
陛下救賑火災及數十條竟以萬死

世已憎吾屬天宜赦此賢忽敷名百代不使壽中年蘭

謝無傳業蘋荒友絕絃淒涼楚江上鴻影獨翩翩

挽湯丞相夫人二首

冊府連天漢恩榮四十年

自丞相入館即受封贈漢恩國夫人

山河開衆

服風夜贊台躔驚鵲諸孫峙箕裘令子傳夫人無一恨

可以見重泉

賤子無天幸平生望六珈偶然同斷梗已復嘆悲茄淚
落升堂日神馳送客車空慚名義重挂省近年家

安世與其

子頌同年進士及同客會稽而夫人病矣

五言排律

陰雨六韻

滴水地鍾濃
關門時過春
讀書無氣力
看字費精神
陰雨便高枕
泥塗阻故人
小詩隨意就
情話與誰親
返照

輕霞出明朝霽色新辛勤愧田父江上晚耕勻

金陵誌遊百韻

艤棹秦淮日中秋萬客船水門高夾所河道曲通塵下

述初泊西港對青林直洲橫皓驚鮮會憐桃渡檝難惜

水門事柳亭鞭木誌婢娟墓香埋睥睨顛張麗華墓在賞心飛

觀出旌德舊題鏤東坡題賞心亭在沙白寒龍月波清

暝宿烟酒家知是否商婦唱休然兒病留三月身閒近

半年遊山情疊疊弔古筆翩翩此下述城寺覓清涼處

西古蹟

清涼寺堂窺德慶懸
孝後主畫德慶堂額尚在
雉雄尋古址虎踞出層

巔寺後石處峻生堪殿任處仲
袁劉死合甄袁聚山腰

舟萬竹峯頂上干川楚甸前開闢吳山後接連似垣環

泰一如陣擁中權江觸崖根轉潮衝石角旋
江自上而下潮自下

而上皆礙石頭而止莫愁達繫艇王濬罷揚旃離殿逃唐暑精藍

變竺乾寺本李雖知悲孺生未免倭金仙兕野情方倦

春虛興已過此下迷城門經白下過溝傍治亭沿舊驛

分携處新園欲餞過行官養種園在白路趨鍾阜近人

下東治二亭之間

正者悔福後編卷三

畏谷靈專野亭正當軒免吾無欲又移汝勿懷半山悲

故相晚歲悅空銓半山寺王零落逢詩板荒寒見采椽

騎驪當獨往挾冊想深妍僧刻前朝詔農耕遠舍田爭

堆猶在眼謝公堆在寺北說字已成塋後漳當胸濶中峰覆頂

圓蔣山懷中一小披山安萬柱聚袖演三玄突兀留髭

塔煒煌誌老筵齊梁陳繼踵刀尺拂隨肩木末幽軒綴

木末軒在誌雲間小徑穿下鍾之背定林庵莽蒼功德

公塔室之傍水潺湲洗現池涵月荆公栽松幹拂天荆公手搖搖支

敗屋草草訂遺篇壇祀陽郊僭亭主巖居少海偏昭明太子

崑未窮山背屐已迎日西羈朔易濡明旦周遭了勝緣

此下述城北觀蔣山之背鷄籠殘兀兀鷄籠山玄武斷涓涓玄武湖今為平田

閔士常于此仰城每枉烏因高營玉帳就下列金鉞憶

昨南朝盛開湖後苑妍汎升崇譙席應詔想英躔牲酒

叢祠瀆蔣子文廟香燈佛屋虔草堂壽周顯故宅草堂鍾唄肅蘭籍

鼓簫闕蔣尉官為帝周儒宅化裨神兵功易誑俗駕耻

難蒲南陌開米闕三橋跨碧連此下述城南古蹟觀臺誇鳳翥

平唐詩稿後編卷三

廿三

鳳皇講席憚牛牽西花臺梁雲光法師李白愁難解蕭

臺延蔽莫鰲浮雲迷帝所花雨眩胡祆朱雀波聲小朱雀橋

烏衣草色薦烏衣巷詎詢華屋礎誰見大航眩鬱鬱長干

迴岩岩翠堵騫長干寺芳巒青宛宛香迴綠芊芊秀水橫

塘外平池曲極前一春來士女千兩擁輕輶郭內清溪

好州東舊迹傳此下述城內清溪名園花隱映甲第錦蟬聯門

巷喧車馬接臺沸管絃若非江令出即是褚公遠綺院

摧荒圃瑤池逗潏潏空餘楊嫋嫋時有芰娟娟新閣虛

堪愛

清溪閣

危橋淨可憐花殘思戰柵

隨人斬張孔二妃于清溪柵

神

遇想靈淵

清溪水小姑痛趙文昭嘗與之遇下文紀此

步月逢嬌魄殢霜引膩

咽金簪花恍惚銀盃意微綿復有陳宮井深依北壘塙

此下述北城內每井

哀聲啼斷綆辱色玷清泉欄石文雖暗

井欄銘

亭碑義更宣

蘇易簡井亭碑

桐彫疑隕黛花墜憶飄鈿狎客謠

瓊樹妖嬈踏寶蓮自矜魚目比寧晤鵲毛填珠玉施脰

帶沉檀製屋榜鬼江三閣就神器一朝捐

臨春結綺望仙三閣今為

證聖臺證聖無存瓦臺城絕斷碑永為前鑑渴長使後

平陸海隅哀痛夢三

山

三才圖會卷之

車峻右轉達琳館西郭記治城

此下述西城內治
城今為天慶觀

誰知

黃王貴下有王人眠

中持下墓

事變明高節時艱別巨賢光

華三千死磊落一門全

墓側有廟父
子皆血食

俗愛風流文人無

操行堅忠肝甘虎口孝骨委蛟涎子由王公竈寅岡將

相阡

城北城東
皆古陵墓

麒麟紛雜還翁仲藹踰躔獨美斯止石

堪同信史編

下公墓碑
曾子開立

六朝多勝槩孤冢孰事先戎有

耽幽癖家無買豎錢隨身憑杖繫脚賴行纏此地聞

疇素陪京冠幅員孫劉同相宅王謝迭扶遘今歲知何

幸茲來得所便侵星齋粳餌借力荷興履吟笑髭頻斷
登臨頸屢延山川窮未稟善惡究鄉羶愧匪詩三百空
成字一十更須無黨注還與鄭玄牋

次韻王少清告歸七首

王撫幹之子淮

蓮幕斑衣底何因有旅愁錦官城裏客雲土澤邊州夜
夜還鄉夢年年異縣秋鵲鵲憐羽翼鴻雁憶朋儔便作
刀頭去閬山亦阻修

塞垣秋易覺八月索衣棠路熟千株橘風高百尺樓人

多宋玉賦邊倚衡公壽水落魚方賤年豐酒易求少留
元不惡平映正幽幽

何處秋光好田園占一丘短鋤朝刈林長笛暮歸牛酒
熟邀人飯鷄肥與婦謀傍籬開竹徑挿竹護蔬疇試上
西郊望脩然此興悠

短檠今幸好文社得同修何處撩鄉思催君發棹謳路
經行雨峽籤數報程郵客路看如許交情可耐不能慙
江上水長為送離憂

江陵雖未慣已作一年留料得到錦里荆須談橘洲楓
櫓夾堤岸荷芰西城溝南入湖湘櫓北通襄漢舟逢人
問風上說與話難周

生平俱異縣相與忽同矛鈍質銛銛錯蕪心草賴耒每
思難話別却恨莫同遊到日應殘臘來時却順流高才
日千里再見愈難俾

有美不自醫相於常暗投春容驚巨軸錯落眩雙眸君
已文如鳳吾方拙似鳩早知歸峽口亦欲下沙頭卒卒

償詩債慚無玉案酬

送蔣賢良赴召試

丙午陂當復王春瑞習占龍樓上寶冊鶴詔下窮欄地
脉通閩蜀人才出老嚴

器之福州人前此李度蜀人

定差新學曲只

守舊心潛刺想堯眉樂深垂舜目謙有懷天變教無計
士風廉庶證方如此君行得滯淹六題郅復爾制策待
韜鈴久噎須詳吐沉疴與痛砭一扶媿意立盡解結喉
藉人士回生氣乾坤振絕蹤

借平聲

宏開九縣赤永恩萬

方黜治世吾何用
姦人蜀自憊
弃荆宜入蜀
比素詎將
鱸逐食俱隨雁
論心偶類鷗
雅懷欽粹淑
威事恆窺硯
從此遲為國
它年說作監
因聲到邛焚
市肆覓疎簾

五月四賀楊秘書知吉州五十韻

自識楊夫子於今十二年
甲辰來右制丁未回西川
逆旅初聞譽樞衣亟致虔
未能情款款已覺志拳拳
不謂攀天筭仍逢汎水蓮
茲為元禮御始執晏平鞭
遠客心危甚仁人赦竭焉
精能嘉舊作虛溢鄙新妍
贈送詩三

復經行慮十全超隔殘臘月判袂暮春天度夏留巴國
開秋迂蜀邦追鋒承詔急繫纜為情牽漕席尊同右轅
門謁並先高登諸葛廟朗詠少陵篇歲月催行李雲霄
入峻躔側聆參帝牒俄見貳州權進退朝紳疎恩威俗
珥俊我分湘麓教公返汝溪塵城郭當來往書題審食
眠誤思叨給札假道恒登筵竟日留輪寫憂時共涕連
歲丁昭奮紀律值夾姑旋謬上鰲扉對慚充玉府仙急
驚寒暑變遐想髣髴遺言語聞收召樞籌賴繹編遂酬

平昔願信有切磋綠崇禮明真學修辭戒妄編河東來
屬爾陽翟去翩然世道重開闢皇情極聘筵後來嗟
黽同直幸纏綿有得皆令飫遲疑必為觸性情深灌埴
言行密裁腴指點吟哦字鋪陳獻納牋得師今以始尚
友昔無前賢念懷符竹愚悵慕菽鱣清班難共慰良悟
迫俱捐騏驥先辭握駕駘續跨羈離群悲欲割示訓語
期鐫王宰榜文脩禹王景文曾蘇草奏使明仲子容意精言鑒鑒
事析理平平養氣歸深厚持身趣重堅呂公賢替確子通

舍仲子戒尊專

仲長繞

永冥盤孟裏終懷杖屨邊此州多

白紫故郭即青瑣畏愛群心洽綱條衆目睽弛張元有

見覓猛蕪無偏郡有青原老人如綠野賢年高能著述

身健早林泉故事堪頻扣成書為遠傳西江足魚雁秋

浦正相連

退傅丞相周公居于言之青原

餞周伯壽得枝字

長安人

分原內史界世系出蒼姬修貢長沙國文章似楚辭堵
牆看獻賦旗影照題詩畫日三十字春風第一枝相公

如父子侍講是宗師魏國張公收養之
從南軒先生學
忍把直言策輕
為阿世詞

送羅司理實之

二月十四日

衰病久忘情相逢淚忽傾見君重要婦於戒尚如兄
扶滿無人事官界有政聲歸棹詩卷送薦牘漕臺迎二祖
名俱重實之祖鄂州太守端規叔祖鄴州太守端良皆有文學行義為世所重孤身責詎
輕長將今仕看勿遣後圖更

次韻容潘盥稅勉其小忍

舊日潘懷縣長憐薄宦畢清秋一搖落綠髻兩哀遲今
代諸孫存遺風百世知四聲哦激烈九折訴耿耿鏗鍊
心成癖磨礪句少疵欲廣彭澤事重和大蘇許得也聊
三士安之豈一宜慇懃情蜜素唱戒及騷辭

用韻為十九弟壽

四月四日

駟馬開華屋祥猊降綺籠嬰襦班似錦子佩綠於蔥好
日逢重四芳醪判一中丰神春日柳意氣雨天虹未論
龜巢藕休言柏化楓諸孫今遠大吾祖舊冲融努力名

場近收功罷甲崇但令賈弟貴不怕老兄窮

療蚊

欲昏疑霧合未暗已雷鳴驅逐無長策紛紛劇亂兵
盡潛如設伏夜嘯若先聲啄慘戈矛利身徹坐墜輕
吸膚來汗血滿腹去朱櫻壁以青油固魔之白羽明
聞風聊警息得路即喧轟婉婉上乘隙騷騷故徹更
拮經當烈澤考傳令潛荆耿耿銀缸動熒熒燭火行
翼焦身尚奮勇盡勢還傾壘合無逃虜膏益可築京
周遭期剝絕小

三

大恣烹庖藝左時驚合禽縱或走橫奔軍容感脫搜探
靡餘生未操華容道追剗白帝城周喻方奏凱陸遜遂
成名一覺華胥夢千年戰國情區區兩蠻觸何足較畸
羸

平庵悔稿後編卷三

平菴悔稿後編卷四

括蒼項安世平甫著

七言律詩

題秋彥哲雲溪隱居二首

閑居郭內似村中，背市臨河一徑通。
案上叅書何世字，牆頭碧瓦古時宮。
苦遭客子驚鷗鳥，閑在橋邊數釣筒。
不是龐公怕城府，也來相就作漁翁。

江漢兵餘八十秋，後生誰及見前修。
開元遺事無人說

正始諸賢何處求
此老尚堪冷式在
吾儕欲為子孫謀
不嘆拱立頻鷄黍
時復敲門繫小舟

江陵送趙知縣二首

萬壑千岩相送時
靈星小雪上豐頤
南雲北夢重分首
樸鹿繁霜滿瘦髭
功業何來真自許
頭顱今日遂如斯
英雄老大無人識
足扣雙舷只自知

別離底處最堪憐
君上吳船我蜀船
從此相思真萬里
重來何止又三年
司州刺史髭如戟

浙漕立
宗卿

國子先生

瘦似椽

太學正業正則

二子有情須問訊為言重九向西川

次劉子野送別韻

賈誼莫思行說背陳湯空想邛支頭子規枝上三更覺
去聲白鷺山前萬事休橐矢戢戈歌四夏帶牛佩犢免防
秋一犁先向東郊去稻滑蔬肥百不愁

次曾宣幹煥送劉韻

戎事急於翻白餅人情難似塞黃河誰能載雪三千丈
更踏衝風十二波父老共傾同社酒兒童齊唱牧牛歌

頗君為較田家樂比似兵家孰少多

次韻

高沙白削

荆南西胡名

記天如葵扇桃笙度日居詩裏燕蟲

時漫興醉中鷗鳥正于胥忽遭喚起披金甲自笑平生
論石渠身世萬端誰得料一番江雨又成餘

伯父新園

正月十三日

屋後四堤可富山屋前溝港轉清灣行人自笑高花外
倦客方吟積翠間曲折故應憐窈窕崎嶇未覺厭躋攀

小橋直下前村路百頃平園錦繡班

憶宗道舊遊

十八年前勝共饒兩青不惜一枯焦
狂跳藥澗尋瓊闕醉踏經臺問玉霄
筆頂雲開千嶂露赤城天近九霞颺
祇今只羨蒲團穩坐看雙龍上石橋

用舍弟韻送妹婿鄭子仁湖南漕試

筆力追風內廐黃詞源下峽九秋漣
經行帝子雲璈地被飾騷人月璐章
親老一生兒共壻吾哀七見暑成涼

門闌正倚乘龍重快踏層雲觀九陽

送石史納官還鄉

陳棣良

去國無庸似葉輕丈夫胡忍此收名遲遲自罄臣心力
戀戀猶貪主聖明正爾釣絲江上去依然羽扇籃中情
平生詎作求田學要與君王佐治平

金陵送左史

劉光祖

臨歧襟袂欲何言罷酒開船色惘然萬里重逢儻無日
一杯相屬豈非天修鱗去蟄三池浪倦翼歸枝萬壑烟

劉婦簡池
予社會稽 從此登臨只西首
美人家在夕陽邊

次韻張以道茗溪

諸人鼎列更茵重
客子愁邊或酒中
雲縞弁山溪正碧
畫無名手句專功
年華若看蟻旋磨
世話何難龜蛻筒
明日一蓑苕霅去
與君祠伴作漁翁

水僊花

意濃態遠十洲人
歲晏天寒七澤濱
奕奕雲冠疑映月
儼儼翠帶欲搖春
梅梢枉為行人瘦
柳眼虛隨酒市新

林下水邊風味永弄珠誰見漢臯神

和胡撫幹水僊花韻

瑤池蓬島舊題名歲晚江湖得此生
水戢風搖疑體弱雪欺霜壓見神清
佩衿濟濟賢師友蘭玉詵詵好弟兄
答鳳鞭驚雲澤畔向人懷抱十分傾

次韻張直閣水僊花二首

買得名花共載歸春風滿眼豫章詩
銀臺挹月盃光潑翠被臨波鞞影遲
山兒湘娥通系牒梅兄堯弟絲藩籬

我家正在江橫處一笑相看更莫疑
貝闕珠宮日月長青鸞白鳳恣翱翔
試煩鍾子傳琴操
莫問田郎問國香
風裏翠鬟慵整
月中幽恨自淒涼
鷗波萬頃情何恨
未羨春花占洛陽

登石頭山

山腰萬竹闌清寒
土徹山頭望始寬
荆渚東西分線路
臺城表裏見毫端
青開淮甸天空濶
紫覆鍾山氣鬱盤
城下秋江來萬里
獨能伸手障狂瀾

石頭直出江中水
至此回洑為張家

灣

過上海塞晉人於此瀦水以限北方

原田漫漫不知津春塞清明思殺人
雨後曉痕無潤澤
烟中日色少晴神
郛城南地溝隍古海寨東西徑遂新
誰見當時經畫意只今高浪化征塵

次韻荅胡李履復荆門故宅

鏡裏枯疎雪點毛
筆端凌亂雨浮膏
浸疆稍稍龜陰復
作堵渠渠鴻雁勞
喬木有孫間國體
故基能築是人豪

自言書就堪標秋誰謂先公論太高

陪閩安撫觀開漕河

為民行水不妨農為國憂民不費公肯趁好天招惡客
能於舊貫立新功山頭石埭千年計海上靈查八月通
只恐濟川舟楫快使君難滯郢城中

立春前一日書事

明日天車始建寅今朝猶是去年人江城半夜傳黃紙
嘉定新書下紫宸山雪多情來送臘湖波著色去迎春

旋烘寒餅纏生菜想見家貧憶路貧

丁叔授家猫狗皆相乳二首

朝佐

周郊奏犬用刑樽堯緒迎猫似捕神直是蘇公比臺諫
未知韓子喻家人鷹鷂化作鸞將鳳獬廌移成鷗與麟
煦煦徐徐何必善使知剛毅有深仁

血人于牙犬改猛殺鼠如立猫事掙鄰子忽如親子受
人情何似物情平再三仁者須存勇萬一天資與習成
恐被麋鹿邀作及或遭鼠弟為兄

會葬外舅還過李萬州墓下

又送人間一古今兩翁相望接雲岑
屈伸固是乾坤用
惆悵豈非天地心
野迥茆風聲索索山深松日影陰陰
平生來往風流在應有幽人見苦吟

次韻田蔣仕年八十八歲作詩自喜三首

東坡米飯辦才師元祐真人宥密時

元祐庚午東坡有飯辦才帖蓋君生

之歲也

生長太平經戰伐浮沈薄宦寄喧卑
五朝遺老今

誰在萬事當時恨獨知此世閱人如傳舍
吾人安更用

名為

銅駝陌上少年時走馬驅車遠四畿又見伏符明漢道
曾傷小雅詠周微一生世路高和下何恨人情瘠與肥
老矣胸懷百無著自梳朝夕鬢毛稀

茅簷桑戶落窮居兩眼猶能讀細書自說此生聊爾耳
亦知餘事竟何知春雲入眼元無迹秋竹剗心久更虛
天與精神自難老會看千歲跨龍魚

查元信餉日鑄茶因用其韻感嘆舊遊
八月三日

芒屨衝雨上茶園綠髮晞風正少年重見靈光元好在
却御雙髻已蒼然芽生日鑄無多樹瓶採千山自昔年
小碾芽心成雪後微鋪瓶頂便天然
薄熙癸卯親到日
鑄山中見寺僧言
此如

次韻朱通判寄示盤龍山觀瀑詩

百尺山頭下玉龍吾人到此得參同河來積石崑崙頂
日出蓬萊碧海東直自陰陽隨處有強分泉水本參空
君看擎石還呵硯燥濕先生一性中

迂朱待講

欲就前賢去不如幾年功力在三餘終然覺我多金鏡
幸甚逢翁待玉除函丈中間親覓訣殘編裏許細觀書
自憐舊習如塵汙入髮成膠未易梳

次韻路德章吳斗南同迂朱待講

兩年京洛筆生埃忽見清詩眼為開蕭洒併將秋色寫
雄豪更帶夜潮來可憐桎腹五千卷誰與澆愁三百盃
莫遣海翁聞世事怕教興盡却思回

觀瀾閣

先生高閣水之濱一禿翁從衆主人欲說觀瀾先自愧
况逢收潦更難陳霜餘過瀨聲逾急日落浮霞景轉新
千里迢迢春不斷間潛曾點是知津

千里雖遠就敢不至淵明詩也

次胡仲方東湖送別韻

祇知白下棠花白不紀湖邊草色新
鬱鬱樓臺龍戍柳荒荒苔蘚晝遊
於重來老子慚無恨得臥尊前醉不醒
旋曉張帆順風去怕遭名吏笑明廷

鷄冠後庭花同賦

長日鷄冠短後庭倚風邪佇不勝情宋宗憲伴親曾識
陳氏官中舊得名尚想蹣跚啼曉意猶疑宛轉隔江聲
晒惶借與非常色染出猩紅特地明

衛州東湖

自笑知州百不知近他池館未曾窺生人正可今為客
和議初成恰是時草色直茸花覆座波光灩灩酒浮危
留連程是憑欄久洗得當年了事癡

香海棠下會飲

近看成洞遠成林紅綠參差作畫陰
閑有工夫隨酒去病無心力爲花吟
調朱弄粉年應小倚闌合嬌意知深
更向嫣然清淑外一簷香氣入衣襟

元夕劉知祿招飲

曾吹藜杖到蓬萊親見銀潢鐵鎖開
析本津頭排列宿鼇山脚下走輕雷
荒城夜雪欺行李畫角晨霜送落梅
鄰舍相呼同酒盞也教人道上年來

崔成州將赴官招客劇飲次袁主營韻

飲量詩才總不慳
一經離緒竟難宣
橫行秦徼看飛將
流落巴山說散仙
較第賓朋勝平聲酒盞留連
僮僕費金錢
更關上馬情懷惡
髣髴滄江送畫船

既家池館已灰烟
更說江家六百年
但有小橋通綠水
不妨高閣看青天
鍾山月列東城角
淮口潮來上閘邊
兩行紅旗射西日
明朝漢使點樓船

楊帥二首

謝天增霸復留恂又到當時繫懷辰寶帶正看金乃藥
璽書重傳玉麒麟上元新曆開千歲作噩祥名冠六辛
怯用此年鍾此傑便乘嘉泰轉洪鈞

更頒石叟共甘公酌得民言帝自同西海人才容接裏
百城生聚撫摩中似聞聖世開皇極欲借名賢鎮士風
看把璇璣扶大運髮於箕翼厚於嵩

阻風

阻風多日飯無羹病酒中年睡不成撲面飛蚊來作鳴

平巖嘴後編卷五

七

閉船吹燭守如城

狸誘云潛江
夾蛟如鴨

良朋處處愁分袂遠客

朝朝怕說兵石首山頭逢一笑白雲相望雨新晴

順風至岳州危甚

黑雲將雨向巴丘白浪奔雷送客舟一路逆風纔得順
百年何日是無愁神林浦外飛沙惡道士磯頭亂石稠
繫纜南津聞笑語船船鷓鴣酒謝神休

別岳州

五更鼙鼓忽逢逢舟子聞晴上北江推枕一兵辭畫戟

開門三騎到蓬窓。鹿鳴厚意陳箱篚。牧木深情綴酒脰。
小雅風流千古在。飛吟亭下此心降。

送孫司戶秩滿東歸考試鄂渚二首

十年杞號起朝班。猶著青衫候晚閑。冷甚高僧禪榻畔。
清於寒露玉壺間。文章竒古源西漢。詩徐精深祖後山。
師友平生能幾許。又隨征鴈看湘鬟。

秋風一泖下滄浪。想見占繇聽鵲忙。兩夏作僧猶有倩。
三旬為客更須償。君才有用今千里。戎拙無堪尚一方。

好去玉霄雲海上寄聲江漢永相望

孫單綺
在官

和高撫州用韻相招

能使邦人保里閭不能一日自安居廢興何敢於人怨

溫飽從來作計疏舊景陸公新景賀

高侯帥事象山陸
先生自號景賀堂

火題詩句小題廬慙慙喚我江西去只用官船不用車

南康尉司射亭後軒盡見廬山為取東坡覺來滿

眼是廬山之句名曰覺軒

千堆白浪捲影湖一葉青帆映大孤夢裏東坡魂尚魔

呼傍海福笑相呼開門翠壁連天是回首驚波一事無
樵下黃紬見真意的知陶令是賢

賦竟陵毛氏新港亭

倚東湖浪看西江結小紅橋渡綠窓白水遠堦人逕絕
青天入坐客心降竄籥影外聞仙磬菡萏香中見佛幢
從此竟陵城左右陸泉毛港一雙雙

重陽後晴再次前韻

一天雲物護輕寒陣陣清風約雨乾造物有情聊作戲

平菴悔禍後編卷四

十三

詩家無賴強尋歡
吾人已辦泥沾帽
曉色還教日照盤
咫尺龍山君莫角
草枯霜野正平寬

宋帥移厨就市樓
併飯胡齋州
澹庵之子

天明喜氣滿沙頭
小隊行厨下楚樓
太白穩歸雲闕去

厲李德星跡向雪山遊
厲陳提刑
澹菊不為重溟怯
令子何

辭九折愁
厲胡榮殺上官第
觀主助公持酒記觥籌
崇道

觀有上下二宮

次韻李著作送行二首
壁

羣居未信相從樂，要識相從是別離。
芸閣捲開當宿夜，江船吹火未眠時。
無人見鴈同持酒，有客看猿自賦詩。
詩墨酒痕隨處有，故人誰與寄將知。

秋來定有池陽雁，飛過蓬萊報子知。
天上舊遊今似夢，覺來追憶始堪悲。
簷前日屋融融暖，閣下風廊細細吹。
最愛石渠胡月夜，清霜飛下老梅枝。

和平江府院教授送行

十里

拜辭初下九天來，乞得班衣學老萊。
六月火雲烘去艇，

三山風露隔飛埃多情送我詩盈軸何意辭君酒一杯
後夜相思江南黑短檠寒燭錦囊開

又次韻沈告院送行二首

前年倚席湘山下曾得新篇勝玉葩今日題輿秋浦上
又頗佳句溢瓊華雲霄策足君方駛風雨論心我未涯
正向齊山種黃菊遙知己對紫薇花

江頭水落雁初下江上魚肥酒可中秋浦到時應正好
昔賢題後恐難工三年禁直消長日六月修廊飯牛風

天上素餐吾已媿更來開處理漁筒

又次韻鄧漢卿秀才送行

春風不療醫邊霜閑處輸君笑我忙
衮衮懸河頗卒吐
踈疎冷鏗賴子湘去鑽芸帙翻成蠹
飛下芹泥只願頑
疆水舊遊零落在相違猶忍話
驛郎

八年前相見于會稽
帆叔晦所今叔

晦亡
矣

又次韻楊秘書送行

設短陳繩勸臨中雕籠災黥戒多窮
有誰心肯明斯語

平聲悔鵠後編卷四

無限人知敬此翁信有德隅當並進可能性地獨幽通
相分便作相逢計比事它時聽庫崇

為吳司戶作甕天

年端隨意出決纖康俗山前自在禪已把屋來嘲作甕
更將詩去謫為天蛆浮鞞舞無多子鷗運鵬遊即大千
敢向時人稱萬卷不妨李渤但如拳

赤廬
山事

喜晴

一耳蠶麥九分成十日雲雷萬感生雨似梅天聲陸續

浪乘桃月勢崢嶸
猛拚歲事真無策
大放春光却有情
世故從來多錯料
落花飛絮未須驚

題胡仲方詩編

五月一日

讀君百二十新篇
句句停勻字字妍
秀似南風吹竹粉
潤於春水濕花烟
斯文貴盛看如此
前路飛騰諒果然
東野長江寒到骨
一生憔悴豈關天

圩田

港裏高圩圩內田
露苗風影碧芊芊
家家繞屋栽楊柳
平巷悔褊後編拳田

處處通渠種芰蓮
老去何年真有此
客中半世尚茫然
自憐赤日黃流裏
又買楊州上水船

賦曹開府遺事

大隗山前苔露深

靖康從二聖北狩

佛林江上劍成林

紹興末使金亮

軍

當時不作一身計
聖主自明方寸心

光堯御書紀其忠勤

勇去

爭噪都是膽
歸來靜密不開音
平生羞預外庭事
此段

當鑄墓石陰

江月亭會飲次袁主管韻
惱吳鈴轄

素倚字彥安

日西移幕看澄江夜久回屏護
烟光暗裏微明認漁火
醉中時醒為荷香狂飛鸚鵡
盃心綠怒索蒲萄架不涼
苦恨重雲隔明月嫦娥更在月中央

任至道招飲香海棠下 二月二日

眼見名花病已輕手攀芳樹思如醒
飄零萬片都無恨
點綴殘枝更有情日暮莫辭銀燭照
夜寒誰為寶瓶生
飲闌可怕留連久滿地香紅忍得行

送江陵柳教授歸潭州 乙未同年柳世南

正聲悔稿後編卷四

上苑歸來十六年青山相對各無羶道林說法非吾坐
予方待絳帳談經覺子賢江陵有馬融絳帳臺舉世不為寒峻地
先生未改腐儒天親朋莫訝知音少直道傳家自祖先

上元

月華未上鼓聲喧又向山陰過上元五歲鏡湖繞一熟
今年燈市始應頻留連畫景通三夜呼吸陽和達九門
遊客不知千古意看人看火漫奔奔

元日用前韻

元日今年分外寒先生堅卧正如山鄉閭草草兵戈外
雨雪棲棲道路間兒女有情催我起杯盤無緒笑人慳
何因得似江城鴈未轉東風已北還

晨起偶成

清涼堂中自喜時行蹤潛少世人知角門閉斷無閑客
紙閣糊成教小兒二十道錢充日用蜀用交子以一千為一道雨三
石米了晨炊夜眠一枕庭闌夢此外都無事可思

送許狀元

奕

走名

十年門巷斷經過讀易吟詩長薜蘿
始向新春歌伐木忽逢佳士赴峇阿
面如呂叟精神王身似章公貴氣多
既出不應猶為我未知賢者意如何
謂子約章公調侍郎德茂

五日常州借開

踏車如市水如金守閘如城不放人
共億河渠通北使可憐膏澤養邊臣
平生自計更慕聖此日何顏玷縉紳
欲換小舟跳堰去沙邊漁子得相親
大舟出閘小舟找堰

寄題臨江徐氏海棠寨

結樓下瞰海棠名之曰寨

紅錦山顛著醉眸赤欄杆外數花頭
月中月下看不足
葉裏花開睡即休
迷住子規疑蜀國
歸來黃鵠認柯丘
他時我與君為對
蓮葉中間作釣舟

答張功甫寺丞

張叟至人憐項叟
杭州依舊憶荊州
亥年詩到子年答
十月書來正月收
了女了兒多已過
半飢半飽不須愁
且圖今日勝前日
一仕黑頭成白頭

次韻重陽值雨

莫向西風怨雨寒登高元自不須乾葛巾流酒何妨濕
破帽沾泥亦足歡喚醉自應泉灑面養花兼得露盃盤
游人幾許重陽恨憑仗新詩一笑寬

送曹提幹歸永嘉兼寄陳君舉舍人

西船滿載下東州客子相傳不作羞官長獨梅今有屬
川人爭誦古無俦枏心但欲全吾寶行世何嘗異此舟
為報鄉閭看解纜清冰寒露勝琳球

問訊東嘉老紫薇年來多病世人知坐親紅炭猶勝客

日飯黃芽未廢詩左氏釋經上定了周官著論夢應衰
舍人專以左氏作春秋
解又嘗進周禮論三篇
西清眷眷君王意欲喚申公草
漢儀

勸醇甫酒

欲勸臨政酒一危若為啼笑若為詞情慄作惡中年後
親友相分久病時少北豈知人寂寞庭闈方待子飛馳
欲開百丈率江去挂起西川五色旗

二十九日出暗門循城至北關登舟

藍輿出郭轉墻隈欲老芙蓉盡意閑天氣已涼猶索熱
官身得去未忙回舟行何物非詩句病後無情是酒盃
一笑團圞今在目細挑燈火話蓮萊

不出

老子年來驚五嶺閉門不出動經旬誰家花有傾城色
何處園無持酒人直以故書消遣日短於佳句奈何春
東君似欲相料理柳外風來絮滿身

寒食道中

秋千飛去過牆枝
風已歸來矮屋櫺
春色一如前度晚
鬢毛多似去年衰
碧雲莫唱愁紅曲
黃鳥休歌伐木詩
方本不禁如許思
門前楊柳王開眉

林通判

東里相君新說似
茶陵軍使美無窮
誰知楚戶南公口
吏說沂康別駕功
人惜一涼鑒錄石
天開四莢照垂蓮
不爭王女秋期日
同醉金公生數中

周丞相書來極道
林君茶陵之政

醉歸再用前韻

平庵悔稿後編卷四

車中倒戴笑泥童馬工扶行夾驥熊安得風流如杜甫
偶然日夕似山公幸無風雨成三厄遇有聖賢顏一中
數寄短章勞待史捲舒時得近春蔥

新茶 三月十三日

大大崔古變槍旗旗旆旃旌忽四馳槐火已登新鼎味
松風猶動故園思森森苦口難追俗脉脉甘津恐後時
何似當初陸鴻漸莫將名字世人知

以琴高魚茶芽送范蜀州

溪上幽人拾舊查

相傳魚乃琴
高生藥查

洞中丁戶採新芽欲乘

赤鯉慚仙骨自淪霜毫噴乳花
荏路跨驪勝五馬郵筒
得酒散雙衙武夷道士知君否
正擁風鸞裏月茶

還家即事

丁令歸來故國時鄉人相見喜
兼悲鬢毛憔悴精神在
邑黑荒殘府寺熙生處不堪推
老大親旁猶幸作嬰兒
莫言破虜前回事得雨如今即是奇

謝張直閣示南湖編

鉉字功父

少時機杼入思惟老去工夫更不疑二十卷詩除我讀
一生心事更誰知字逢生處要途穩語到平時出轉奇
直與誠齋分坐席定知傳習是宗師

胡仲方歸自武陵已過賤生尚煩進賀託柑致頌
褒擬過情輒次韻為謝

老後人間百不堪形容今似遇時相液枯自斷仙無分
面醵猶宜佛作龜更說吳姬兒女事旦尋湘頌友生談
稿頌願歲并行裝聞逐春風動商樂無因餽相參
謝與為友告

春晴

東風瀾浪滿人間
小雨禁持故作慳
宿霧翳妝濃著色
新陽歸沐巧梳鬟
桃花落盡春無恙
柳絮飛忙日正閑
報答年光無酒伴
盡拈佳句為江山

風水洞

君言洞好定非虛
只恐詩佳洞不如
兩腳若能隨步履
一生何用更軒車
聽風聽水縱橫說
隨醉隨醒爛漫書
不辭九重城裏路
有人塵上化衣裾

送敬甫弟赴省試

阿連明日去觀光鶴髮今年喜倍常
船裏萬端須過慮客中無事不周防
三經訓詁勤繙閱一紙平安數寄將
反覆庭闈千萬意早收名第獻高堂

和二十六日雪晴

雪中歡喜看瑞陵雪後扶輿弄綺晴
造物為人添眼界病夫隨處得心傾
江南江北融融暖春草春花日日生
凍死窮簷吾不恨欣欣同宇盡敷榮

富陽道中早行

小腰宿霧遠模糊
水面柔雲近有無
青女妝成連夜粉
鰕人啼盡一川珠
陽光稍稍褰層箔
春色徐徐展畫圖
拭向東風揩病目
駕天青浪麥平鋪

晚晴

一首新詩轉晚晴
樓臺西畔斷霞明
浮雲過眼元無事
好月於人却有情
鵲噪畫簷何太喜
鶯啼綠樹已新聲
前村處處聞呼喚
明日沙田起潤耕

三月一日入襄州界先寄吳待制二首

明德宮中大練衣風流小阮世人知
斷無流水游龍夢只有珊瑚碧樹詞
天上仙人持紫橐邊頭武吏簸紅旗
男兒自要厲官作音佐肯被青雲富貴欺

兒時夢到漢南州四十頭顱未省遊
此段風流愧人物今年行役藉君侯
仲山甫有遺墟在諸葛公存舊事不
欲借蹇驢馱醉帽從公一一訪前修

二十一日入荆門界

四望亭前粉雉明，有欄橋上竹枝橫。
荒荒白日春將晚，渺渺黃岡草未生。
獨客更無楊柳伴，遠村時見李花驚。
白碑南路翻堪意，不恨衝泥踏水行。

送湖南盧提刑赴召三首

幸甚他鄉識老誠，孰知真意徹幽明。
通身實地無奇巧，接面春風有至情。
王幸直須窮晝夜，官途元不計公卿。
無端自被功名迫，漢節衝寒上玉京。

世間除我更誰窮，老去知心僅有公。
玉局當年已無分，

星沙今日更愁儂
飢鳥繞樹啼寒月
獨鴈辭群叫朔風

四斗官醪作供給
先生只此是遭逢

公攝帥月拾
教授酒田斗

先生休嘆不逢時
此地非公已再危
赤立一絲無籍手

青衿二百正張頤
千緡兄鏹仍三料
五頃夫田更八池

始公為言于帥得
千緡又復瞻學錢
三料計歲但得門

東無叫怒老身寒
餓不須愁

送楊制機赴召

一年兩別故難堪
一世斯人況不凡
憂共素心明耿耿

骨如脩節瘦嶄嶄日開黃道天三接夜榜清湘月半帆
時予初得
長沙関
各白青燈同曉夢芒屨踏遍武夷巖

題東坡題高風堂屏間

樊口齊安一水間少年行役鬢成斑雲間甲子三秋雨
日射淮南一帶山戰血濃時雲夢遠峻思深處老身閑
登臨莫唱鷗巾曲栖鷗危巢再可攀

再到東坡

江山不用惜花輝滿坂黃泥落葉掃四海共知波下路

昔人猶想夢中歸。小橋暗井。十年話。秋菊寒泉。一縷霏
恐被先生浮大白。尊前休說是和非。

又賦

厲玉風前。藕葉香殘。蟬聲裡。柳枝黃。生前天遣耕雲生
身後人來問雪堂。樊口戰船。旗似錦。黃坡突騎。劍如霜。
先生儻有歸來夢。更覺春江雨後忙。

白蓮

有送千葉白蓮花者。婦人指謂余曰。海內諸花。

蓮為冠姚魏次之余問其說曰碩大而光明此
固諸花所無而蓮與姚魏所同有者至較有量
韻則姚魏瞠乎其後矣暑天初曉戲露浩然蓮
于是時高爽鮮香不可名狀此最其絕妙處而
日西後觀之亦不減此余喟然嘆曰此前人吟
賦之所未及也作七言詩四韻以記其事

似雲如月畫圖難似立如行意欲覓太華峰頭天欲曉
魏王池上月初殘起起韻出于花外浩浩香來六月寒

正用一夢當大夏可須浮艷滿春闕

次韻賀葉運幹改官

伊人匪 即東如於戎誰何伴退居纔到九門催引見
速來平地夢追胥雷轟古縣栽穰李水滿芳塘泛碧渠
戲把閑忙問同異茫然微笑刃之餘

楊侍郎

牙帳森森畫戟紅心源澹澹玉壺室身如峴首羊太傅
意似鹿門龐德翁一貫精猶子慮到兩忘真廣藹情融

觀公尚得今人愛始覺東家道未窮
漕河水入漢江流逆浪吹鄰上比州為送新篇歸峴首
亦知舊蔭滿沙頭每思吾道長城在常喜斯民命脉留
聖宋十年周十倍須公同往八千秋

得桃源丁知縣書

為報桃川老令威病夫三歲不開惟窓中見日知晨暮
瓶裏看花記歲時新讀子書多乙者舊吟詩藁盡丁之
無人肯共閑人語滿腹閑情獨自知

寄題吳氏社倉

始晦庵朱先生作社倉於建寧之崇安縣因奏
事及之乞頒其法於天下孝宗為下其奏於是
建昌軍南城吳伸吳倫兄弟首應詔書而晦庵
又為之記慶元六年庚申予卧病江陵南城人
包楊以其記來求詩邊與朱氏哀疏固至讀之
心折不敢以病為辭遂作四韻寄二吳臨寧江
然涕泗交下時月十月五日也

淹劇無惊易愴神
社倉新記重關心
前朝詔在恩淪骨
遺老書存淚滿襟
未念君仁多善稼
肯因師死下喬林
皇天老眼明於鑷
勉植書樓萬桂陰

送范安撫喜雨詩

一寸甘腴一寸金
只今誰可旱天霖
贖餒盡免疲民血
重役新寬戰士心
蛇掣電光開九闔
龍呼雲氣出重陰
書生不放飢腸歇
纔減憂勞便苦吟

又和毛子和鄭薦玉

長腰如玉穩如金千里西城待一霖憂國元戎真瀝血
還家倦客更關心帥聽簷吹長疑滴起看江雲只願陰
但得街頭官酒賤連呼毛鄭與同吟

武昌謠

夜繫扁舟鸚鵡洲邊人語更堪憐烟煨影裏招魂魄
瓦礫堆中立市廛明府到時惟赤地吾儕今日見青天
子孫孫子恩難報願太夫人壽八千

七日呂城守閘

官開增吟晝閉塗商江嘈嘖夜銜艫卧聽篙子灣灣月
坐待州家急急符石罅漏泉鳴錦瑟蓬牕篩雨落玳珠
夢魂不受重門隔自著斑衣遇練湖

平庵悔稿後編卷四